



Ke arah Mahasiswa Bebas Dadah (m.s. 16)



inside !



Mesej Timb. Pengarah (HEP)

Hanshi Prof Tatsuo Suzuki melawat UiTMCS

Power Memory Workshop

News from Mukah

'Kapkhonka Thailand'

Seminar Pemantapan Minda Pelajar

Malam Pra-Graduan UiTMCS

Active Learning

Khidmat Negara

"Saya rasa program ini akan mengeratkan hubungan dan dipupuk di kalangan anak-anak muda yang berumur 18 tahun ke bawah. Program ini memang dapat disokong oleh semua pihak kerana program ini boleh menjadikan seseorang anak muda yang tidak yakin dengan diri mengatasi masalahnya. Contohnya diri saya sendiri. Dulu sebelum menyertai PKN saya seorang yang pemalu, kurang berkeyakinan terhadap diri sendiri malah suka bersendirian. Tetapi sekarang apabila menyertai PKN saya menjadi lebih berani dan mempunyai lebih ramai kawan dari pelbagai bangsa. Saya berasa bertuah kerana dipilih menyertai PKN." - Cynthia Ak. Lawrance (Betong)



Ser - CN :2804

Info Kampus

1;Feb-Mar,2004



Majlis Penutupan Ko-Brass Band

Rafidah Nawawi

Satu majlis penutupan ko-Brass Band telah diadakan pada 15 Feb 2004 di D J. Majlis bermula pada jam 8.15 malam dengan ketibaan tetamu kehormat, En Musahadad iaitu jurulatih ko-Brass Band dan komander-komander Brass Band.

Tujuan majlis adalah untuk melatih pelatih dalam penganjuran satu majlis keraian dan juga meraikan pelatih Part 2 yang akan menamatkan latihan ko-kurikulum mereka pada semester ini.

Antara komen jemputan yang hadir:

"Ini merupakan Majlis Penutupan ko-Brass Band yang paling 'bes' pernah saya ikuti" Shah – komander.

"Satu majlis yang 'well organized' dan patut dicontohi oleh pelatih yang akan datang" Zairina – pelatih.

"Saya tidak akan melupakan malam ini kerana persembahan ia sungguh menghiburkan" Mimi M – pelatih.



Seribu Kenangan Di Malam Siratan Kasih

Rafidah Nawawi

Satu majlis makan malam anjuran Jawatankuasa Perwakilan Komander Kesatria (JPKK) telah diadakan di Jubli Arena of Star bermula pada jam 8.00 malam, 16 Februari 2004. Tetamu kehormat pada malam tersebut ialah Cik Nooramali Mohd Jenis yang juga merangkap pegawai Kehormat Kesatria, En Juan Mohd Jalil iaitu Jurulatih Kesatria dan En Mohd Yusri yang juga merupakan Yang Dipertua MPP UiTMCS.

Sesuai dengan temanya 'Malam Siratan Kasih' ia diadakan dengan tujuan untuk merapatkan hubungan mesra antara komander dengan pelatih. Di samping itu ia juga diadakan untuk meraikan pelatih Kesatria Part 2 yang telah menamatkan latihan ko-kurikulum mereka selama 2 semester.

Antara aktiviti malam tersebut ialah deklamasi sajak oleh Saudara Awang

Suffian yang bertajuk 'Aku Belum Mati', persembahan drama oleh pelatih JPA3, nyanyian karaoke oleh pelatih Brass Band dan medley oleh pelatih PBSM. Persembahan yang paling menarik perhatian adalah persembahan dari pelatih Kesatria iaitu pentomen yang bertajuk 'Tanggung Moden'. Di samping itu terdapat juga pertandingan meja berhias yang bertemakan buah dan telah dimenangi oleh kumpulan Perwira 12. Acara kemuncak ialah pengumuman 'King and Queen of the night' yang telah berjaya dimenangi oleh Saudara Mohd Khaidzir dan Saudari Norbaidura.

Komen peserta Malam Siratan Kasih:

"Saya berasa amat gembira kerana dapat bermesra dan mengenali pelatih saya dengan lebih dekat lagi" Norlija – komander

"Bes gila malam tuk. Komander semua kacak bila sik makey baju ko. Sik sangka komander sporting gilerrr..." Freda Morris – pelatih

"Malam ini merupakan malam bersejarah kerana saya dapat mengenali komander dengan lebih dekat dan semua komander semua memang nampak ayu dan hensem" Azlan Andyson – pelatih



Majlis Qurban 1424H

Rafidah Nawawi

Satu Majlis Qurban ketiga 1424H telah diadakan pada 8 Feb 2004 di perkarangan Surau Utama UiTMCS bermula seawal jam 8.00 pagi anjuran Unit Agama HEP, UiTMCS. Turut bersama-sama meraikan majlis ini ialah Tuan Pengarah Kampus, Prof Madya Dr Abdul Rahman Deen, staf dan pelajar.

Majlis bertujuan untuk memupuk semangat kekitaan dalam bekerja. Ini dapat dibuktikan melalui kerjasama kakitangan dan pelajar yang telah bergotong royong menyembelih, memproses dan memasak daging qurban.

Setinggi-tinggi penghargaan kepada semua staf/pelajar yang terlibat dan juga penyumbang-penyumbang.

Kolokium PEMADAM IPT Sarawak 2004

Khalid Hj. Ibrahim

UiTM Cawangan Sarawak telah diberi kepercayaan oleh PEMADAM Kebangsaan dan PEMADAM Negeri Sarawak untuk menganjurkan Kolokium PEMADAM IPT Sarawak 2004 pada 15 Mac 2004 bertempat di Dewan Jubli, UiTM Cawangan Sarawak.

Kolokium ini telah berjaya menghimpun lebih daripada 1,000 orang mahasiswa dan mahasiswi semua IPTA dan IPTS yang ada di bumi kenyalang ini.

Tujuan kolokium ini adalah untuk memberi kesedaran tentang bahaya penggunaan dadah dikalangan mahasiswa/wi IPT disamping melahirkan kesedaran pencegahan dadah yang komprehensif di kalangan mahasiswa/wi IPT dan juga untuk menggembling tenaga mahasiswa/si IPT agar terus bergiat secara aktif sebagai agen, pembimbing dan aktivis bagi menjalankan kerja-kerja

pencegahan. Di samping itu juga untuk menyokong dan mendukung dasar-dasar kerajaan dalam gerakan pencegahan dadah khusus sekali tahun 2004 sebagai Tahun Memerangi Dadah Habis-Habisan dan seterusnya Negara Bebas Dadah 2015.

Kolokium satu hari telah dirasmikan oleh Yang Berhormat Datuk Hajah Sharifah Mordiah Tuanku Haji Fauzi, Menteri Muda Kebajikan dan Hal Ehwal Wanita Sarawak merangkap Pengerusi PEMADAM Negeri Sarawak. Yang Berhormat Datuk dalam ucapan beliau menyarankan agar Kolokium seumpama ini akan terus menjadi agenda pencegahan dadah yang terancang dan mempunyai tindakan susulan yang berterusan agar dapat mewujudkan Negara Malaysia yang kita cintai sebagai sebuah Negara yang bebas dari najis dadah menjelang 2015.

Majlis perasmian diserikan juga dengan kehadiran Yang Berbahagia Prof. Madya Dr. Abdul Rahman Deen, Pengarah Kampus. Dalam ucapan aluan, beliau melahirkan keyakinan bahawa usaha memerangi najis dadah ini adalah selaras dengan matlamat UiTM untuk melahirkan graduan yang berakuntabiliti, berintegriti dan berkualiti.

(disambung dalam m.s. 6)



Sidang Redaksi

Penasihat

*Prof Madya Dr. Abd Rahman Deen
Prof Madya Dr Fatimah Bujang*

Penyelaras Penerbitan

*Yuthandy Maniam
MB 62/Ext 528*

Panel Editor

*Tenning F. Seling (Ketua)
MB 79/Ext 469*

*Cindy Wee (Penolong Ketua)
MB 20/Ext 508*

*Oriah Akir
MB 108/Ext 601*

*Sharifah Zakiah
MB 199/ Ext 344*

*Prabha Ramakrishnan
MB 147/Ext 525*

*Helen Pereira
MB /Ext*

*Azlina Ghazali
MB 171*

Wakil Pelajar

*Nomiday Dajie
Rafidah Nawawi*

Grafik dan Percetakan

Yuthandy Maniam

Bantuan Teknikal

Abdul Khalid Karim

Sirkulasi

*Ahmad Lotfi Ariffin
Sabariah Mohd Apandi*



For your convenience - **infokampus2000@yahoo.com**